


TAHA, NI LATELELE

 Kihande, batili, fani neli Becky asika pepwa kale. Mi kacwalo Na—Na hupula kuli, “Kihande, mwa ziba . . .” Ni—Ni ca fela mukeke wa likobe, u cipile. Kihande, Na fela . . . Ba nifa tikiti yaka, mi na nyatela fela fateni, mwa bona, mi Na ilifela, ba nifa yona, mi Na ikutisa, kakuli Ne ni na ni kapene ka kuitusisa.

² Mi zazi leliñwi hane luna ni—ni mukopano wa baana baba tokomelo sibaka. “Mawi,” mi bali, “ki mañi sikuba yo ya fetuhile kuba cwana?” Mwabona? Neli—neli mucaha toho ya bona, mwa ziba, “Ma senti a lishumi a sico sa mukushuko?” Kacwalo seo sibonahala kucipa hahulu kwa batu babañwi, mwa ziba. Babañwi ba bona neba tisa dollar, mwabona; ma dollar amabeli a mulalelo. Mi Na nabeya mwateni fela sene si kwana.

³ Kihande, Se nili, “Kihande, cwale, hakuna tuso ya kuli ni fumanehe kwateni. Ki sikamañi se Ni ka eza haiba Ni icela fela, ma senti alishumi?”

⁴ Bo Fields, bene bali batusi ku muyemeli, mi ali, “Billy, beya mwateni dollar, nihakuli cwalo, kamba yeñwi cwalo.” Ali, “Kona se ba eza babañwi kaufela.” Ali, “Muna ni kubeya zani hamoho.”

⁵ “Kihande,” Se nili, “Ha—Ha ni cangi hahulu konji mukeke fela wa likobe, mi seo kona se Ni lifela.”

Ali, “Oh, usike, wa eza cwalo mbamba.”

⁶ Kihande, mi Na nahana kuli, “Ni ka eza sikamañi ka zona?” Mi Na lifa ma senti a mashumi aketalizoho a mukushuko. Mi Ni nga ma senti a mashumi amane ka zona, haiba Ni bata kuba ni kuleka sika kaufela, ni ka lifa banana ba mwa mikwakwa; banana babañwi, mwa ziba, bene ba bonahala kuli batokwa liñende cwalo, liñende, nibona. Kihande, Na hupula kuli mwendi Ni ka . . . Kihande, yani neli kampani yene ni bulelela cwalo, yona kasibili, ku ni bulelela cwalo. Yani neli muuna wa kampani yani.

Kacwalo, Na hupula kuli, “Mwendi Ni ezize mafosisa.”

⁷ Kacwalo kwanu ha ki kale hahulu, hane nili ni mutu ye lu zamayanga ni yena . . . Cwale ba potolohanga ni ma helikoputa, mwa bona. Kacwalo a taha mi a yema. Mi abulela, “Ali, Muzwale Branham,” ali, “kota ye ya hula.”

Se nili, “Eehe.” Se nili, “Banana ba bapalelanga mwatasa mwani.”

Ki hali, “Kana lwakona ku ipumela fahalimu?”

Se nili, “Eehe, kono usike wa ilema. Mwabona?”

Ki hali, “Kihande, luka tabela ku lema. Lu ka ku lifa.”

⁸ Se nili, “Batili. Batili. Hani lati kuli uileme.” Kihande, Na ziba milao ya kuba ka swanelo, nina, mwa ziba, kakuli kakuli Nenili kwani ka lilimo ze supa. Se nili, “Batili.” Se nili, “Hani tokwi kuli u ileme, kono wakona ku ipumela fahalimu.” Se nili, “Ni—Ni ibulukile cwalo ili ye pumezwi fela, kono,” Se nili, “wa kona. Wakona ku pumela fahalimu haiba ubata cwalo.” Se nili, “Na, Muzwale Wood mi Na, lu bata ku ipumela fahalimu. Lu pumezi zeñwi ze kaufela kwanu.” Mi se Nili, “Kono luka tabela kuli lubulukele banana zeo, Joe ni bona, mwa ziba, banana babanyinyani ba bapalelanga mwa kota yani.”

⁹ Na ya fa musipili. Ha Ni yo kuta, ne isahilwe fafasu ni ku kumulwa. Oh, ha ki swanelo ni yeo yene lukela kuba fa kampani, mwa bona, ka kulema kota yani, mwa bona. Mi kacwalo Na hupula kuli, “Cwale,” Se nili, “Mulena, Hanina kubulela zeo mane.” Mwabona? “Nihaiba kuna ni sika kaufela se Ni—se Ni, eza ku sona, fokuñwi ha ni taha, ni canga ze likana mali alikani, mi nina ni kubeya mwateni ‘masenti a mashumi aketalizoho.’” Mwabona? Se nili, “Haiba kuna ni sesiñwi ku zona, sani ha si likwanise, mwabona, kuli—kuli Ni—kuli Ni beye mwateni sani, mwa bona. Kuli Na . . .” Mi Na tuhela kulola za kusebeza mwa Public Service Company fani, mwabona, kakuli neli sesiñwi kwa mulaho kwani.

Lu lukela kutokomela se lueza. Luna ni ku li katana zazi leliñwi.

¹⁰ Bana, kutaha kwanu. Bo maho ne baliteni, zazi leliñwi, Trudy. Na sepa no siyo, no sa zibi. Wo ki mukwa wa kukomoka, Na bona cwalo. Mi u libelezi ku feza sikolo. Mi lubile ni musipili wo kwanu hamoho. Ni ka ya mwa mukopano cwale, kapili kasamulaho wa mukopano wo. Mi lu ka ya kwa hae.

¹¹ Ne ni hupula kuli ikaba nako yende ya kubulela ku mina kaufela, mi cwale ne ni hupula kuli ikaba hande kwa banana fa nako nyana basika feza kale sikolo sa bona. Ni bale timana mwa Bible, ni kubulela fela ku mina kuzwa mwa pilu yaka, mwendi ka mizuzu yelishumi kihona. Ni ka zwa mwa nzila ya mia. Mwabona?

¹² Kale Ni sika bulela kwa banana, Ni tabela kubulela ku babahulu fa nako nyana, ni bona, kaufela mina. Ki cwale, mwendi, mwendi ki musipili o katalisa, mo ubezi. Kono kutwisiso ye Ni itutile ku Mulimu, Ha ni koni kunga ma dollar a eza teni sauzande ku ze Ni itutile ku Mulena kuzwa ka nako ye Ni li kwanu. Na lumela luli kuli Ni taha ka kuutwela ko kutezi kwa taelo ya Yamata, mi Na—Na sepa Ni kona kupila ona cwalo. Mi kuna ni . . .

¹³ Ha Ni taha, nto iliñwi, neli ka pono, kuli Ne ni yemi fahalimwa Tucson kwanu hane kubile ku—ku—ku kupanca kwani. Kihande, Muzwale Fred naliteni kwani ha liezahala. Mi ba swanisa siswaniso sani cwale, mwa ziba, mwa mbyumbyulu.

Mi Ne ni sika nahana zeñata ka sona, ne ni si ka si lemuhā. Kacwalo sa kala ku ni tabisa ka mukwa omuñwi, zazi leliñwi. Mi Muzwale Norman, bondate he Norma kwanu, ba ni bulelela, kuli, “Kana u lemuhile se?”

¹⁴ Mi Ni mano talima fela, ona fani nekuna ni Mangeloi kubonahala hande patalaza mo ne Aka bonahalela, inge ainzi mwa siswaniso sani. Mwabona? Na talima kuli ni bone seo nesili sona, mi ne seli nako, yeswana, mwendi zazi li liliñwi kamba amabeli kwa mulaho, kamba lizazi kamba amabeli kasamulaho Ni ba kwani. Na talimela ko ne siinezi. “Kwa neku la Mutulo wa Flagstaff, kamba Prescott, yeli kwatasi a Flagstaff.” Kihande, kwani kona kone luinzi, mwabona, ona cwalo fela.

¹⁵ “Limaili ze twenti sikisi mwahalimu.” Kiñi, mbundu haikoni kufita—kufita zene, limaili zene mwahalimu, kamba zeketalizoho, mukamo, mufuta kaufela wa puka kamba sika kaufela, mwa bona. Lifulai li fufanga kufita fa naintini sauzande. Fani ki kupahama fahalimwa malu kaufela, mwa bona. Mi nainti sauzande ki limaili zene mwahalimu. Ze ki limaili ze twenti sikisi mwahalimu, ni limaili ze mashumi amalalu mwa mutuna, mi ni mwa sibupeho sa piramidi, haiba mu talimile fa siswaniso sateni.

¹⁶ Mi kwa neku la lizoho la silyo, sina ha Ni mi bulelezi, Na lemuhā, le li ipitezi, Lingeloi lani. Ki Yani fani, sifuba fande, mafufa kwa mulaho, kutaha hande cwalo, ona cwalo fela mo kuinezi. Ne ni si ka li lemuhā ka nako ya pili Hana. . . Kubile lika zeñata hahulu.

¹⁷ Hane ni sweli fela kutaha mwa nzila zazi leliñwi, nekuna ni sesiñwi se ne si ezahalile sene si bulezi kuna ka sene Ni—Ni lukela kueza. Mi haki—haki liñusa la ka.

¹⁸ Ka nako iliñwi, Leo Mercier ali, ali, “Muzwale Branham, nako ika taha kasamulaho wa se,” ali, mwendi seli lilimo ze ketalizoho kamba ze silezi kwa mulaho, mwendi ki ze supa, ali, “Mulena uka cinca bulumiwa bwa hao, Muzwale Branham.” Mi ali, “Mi Ha sa ezize cwalo, wena kipeto uka beyanga fela lipatela mwa mukoloko, ni kuba bulelela fela kuli bazuhe—bazuhe mwa mimbeta lika zeñwi.” Ne li si ka utwahala hande, niha Ni lumela Muzwale Leo kuli na tiisize fa kubulela cwalo.

¹⁹ Kono ne si si ka utwahala fela hande, kakuli, mwabona, Mulena luna Jesu na si ka eza cwalo. Mwabona? Mi A ya mwa lipatela. Nekuna ni alimuñwi mwa sipatela. Kana mwa hupula kuli seo nesili kai mwa Bible? Kwa lisa la Betesida. Batu babañata ba ba fokozzi nebali kwateni, lihole, lianga, libofu, ba luñañali, inge ba libelela Lingeloi. Cwale, sani neli sipatela sa moya ko batu ne ba libelela foliso ya Bumulumu. Mi fa Mufolisi wa Bumulumu Kasibili ataha mi ato folisa alimuñwi ni kuikela. Kacwalo hamukoni kulibelela zeo ku mutu wa nama, kamba

bulumiwa bo butaha, bube bobutuna kufita mo ne buinezi bwani. Mwabona? Ne ni si ka lumelalana ni zona.

²⁰ Kono hane Ni kala kufetuha, Moya o Kenile wa ni tahela. Na kupa Leo kunifa siñoliso. Na nga pampili, mi Na iñola. Liteni mo kubulukiwa mapampili a hae kacenu, haiba muteni ko li fumaneha. Ki sona sipangaliko sa aluminum sani kone Ni beya libyana zaka. Ha mu kena fela mwa munyako, kuna ni shelufu kwa neku la silyo, kwapata fela a sipangaliko sani. Siteni mwatasa mwani. Ne ni sibeile fahalimu fani. Ali, “Zazi leliñwi wakona kuhohela se kwande. ‘Mulimu haana kucinca bulumiwa, kono Uka cinca mutu yana ni bulumiwa.’” Seo kona se si lukela kuezahala.

²¹ Mwabona, Na—Na ziba se Ni lukela kueza, kono Hani—Hani—Hani koni, Hani koni kueza sika mwa buino bo Ni nani cwale. Kakuli, Nina ni kuba . . . Sesiñwi sina ni kuezahala mwahali ku na, seo si ka nga Mulimu ku sieza.

²² Lu bata kuya kwa hae. Banana ba utwa bulutu, kaufela bona ba bata ku kuta. Kacwalo Ni hupula za ku ba kutisa, Mulena ha lata, mwendi kasamulaho wa sebelezo ya la Pelekelo, mi kacwalo ni kukuta. Kuzwa fani, Ha ni zibi. Kono Ni ziba kuli sesiñwi si sa ezahala fela ku na, sa ku ni utwisa kuba bukaufi ni sicaba, se si shutana ku se Ni eza cwale. Ne ni hanile si—si sicaba, mwabona, mi Ha—Ha ni lati kuli nieze sika ka zona. Mwa ziba se Ni talusa, se Ni biza kuli “ricky, ricketta,” nebana ni lika ze ne ba ezize. Ne ni kutalize ka busepahali kaufela, mi Mulimu a li paka ka mukwa kaufela. “Mi haiba ne ba sa lati ku Li lumela, kiñi, mu batuhele fela ona cwalo.”

²³ Ne ni sweli kuya kwani, ku yo kopana ni Bud litabula lelitaha le, kukala ka nako yeo. Ku yo libelela mwa lihalaupa, kutuhela milili yaka ni milelu kuhula cwalo. Mi haiba Mulena na bata kuli ni ye kai kamba kai, Na ka ni lumela linzwi lateni, mi Ne kaya ku yo eza cwalo.

²⁴ Mi mwa musipili, hane ni taha zazi leliñwi, A ni yemisa. Mi Na bona ko ne kuinzi . . . kone Ni taha. Ni—Ni mwa musipili waka kuya kulo kokuñwi cwale. Mi Na hupula, ha Ni yo fita kwa lapa, se Ni eza se lubiza kuli ngambolo ya kwa pilu ni pilu, mwendi ku si beya fa tepu, mi kipeto sicaba sibone sinceho ya putako.

²⁵ Cwale, mina banana, fela halu . . . Halubeni ni linzwi nyana la tapelo nyana.

²⁶ Mulena Jesu, lu itumezi kwa nako ye, ka kuziba kuli lu kopani mo, banana ni babahulu, ni babanca mwa lilimo. Mi lu kopani, kwa neku la Kuyakuile le, hape kwa ku to ambola za Hao ni ka lika ze ama Bupilo bobusafeli.

²⁷ Mi banana babali mwahali mo busihu bo, babañwi ba bona bazwelapili kufeza, babañwi se ba felize kale. Kono Na lemuha, Mulena, sesiñwi sene si ezahalalile fa liholo nyana kusika

ba kale ni nyungano yetuna yani, kamba kupanca kokutuna, kone kuezahalile mwa lilundu mwani, kwa mutulo wa Tucson, fani Mangeloi a Mulena ha tuluka fafasi. Na hupula sene si bulezwi, mi—mi sihulu ka batu babanca. Na Ku lapela, Mulena, kuli ulutuse ku utwisisa. Mi Ni kone kubulela sesiñwi kwa banana baa, busihu bo, se si kabatusa mwahala musipili. Kakuli, Mulena, kaufela luna lutokwa tuso yani ka nako ye.

28 Lu fuyole hamoho. Swalela libi zaluna. Mi haiba kuna ni se luezize haisamba luba kwanu, se sisika Ku tabisa, lu lapela kuli U luswalele ka sona. Kakuli lwa lemuha cwana, kacenu, kuli haluna—haluna sepo ya kamuso. Halu zibi ze lu tahela kamuso. Lu lukela kuitukisa kacenu kuli lufite kamuso. Mi, Mulimu Ndate, kuna ni fela nzila iliñwi yeo luziba mwa kuezeza se, seo ki, kuitukisa ku Ku bona, kakuli fa ni fa lu lemuha kuli kaufela luna lu ka kwanisa. Mi luna ni ku yo kopana ni zona nako yeñwi, ikana yaba mwa kozo, kakuba mulikani kamba mwana, kamba kakuba sila. Zeo libe kwahule, Mulena, kuli ibe sika sifi kaufela kwanda bana ba Hao Luli baba latiwa. Peta lika ze lwa kupa, ka Libizo la Jesu. Amen.

29 Kacenu, hane Ni sweli kutahula bucwani, kakusasana luli ka mapakela, Na fumana sibaka mwa Bibebe, Na hupula kuli ikaba nto yende kuibala ka nako ye. Mi ki . . . mwendi haikoni kuba ka swanelo hande, kono Ni hupuzi fela kuli ka . . . fela ka—ka mizuzu yelikani, ya kubulela. Ni bata kubala se kuzwa mwa kauhanyo ya 18 ya Muhalalehi Luka. Bañoli babane ba Evangeli kaufela bona bañozi ka yona. Kauhanyo ya 18 ni timana ya 18.

Mi mubusisi yomuñwi a mubuza, ali, Muluti Yomunde, ki sikamañi se Ni ka eza kuli ni fumane bupilo bo busafeli?

Mi Jesu ali ku yena, Kiñi so ni bizeza yomunde? hakuna yomunde, konji Mulimu, fela, anosi.

U ziba milao, Yeli usike wa buka, Usike wa bulaya, Usike wa uzwa, Usike wa paka bupaki bwa buhata, Kuteka ndatataho ni . . . maho.

Mi . . . ali, zeo kaufela Ni li mamezi, kuzwa kwa bwanana bwa ka.

Cwale Jesu asino utwa litaba zeo, ali ku yena, Kono u sa tokwile nto iliñwi: ulekise kaufela . . . zo luwile, mi u li abele ba botana, . . . mi ukaba ni bufumu mwa lihalimu: . . . taha, ni latelele.

30 Ni sepa, linzwi leo, *Taha, Ni Latelele*, kona kelezio yende ye Ni kona kufa haiba Ne ni ka ambola kwa banana baba teni sauzande, kamba haiba Ne ni ka ambola ku be Nili ni bona. Ki taelo, mi ki nto yetuna hahulu ku ze Ni nahana ku zekile za fiwa mutu kaufela, mi sihulu mutu yomunyinyani, “Ni Latelele.”

31 Kuna ni yo mu ka latelela. Cwale, fela muna . . . Mwakona kuhupula cwalo. Muka latelela mutu yomuñwi. Mi mukwa o mu latelela mutu ka ona, mu be ni niti ya zeo, kuli ki mutu mañi ya latelelwa yoo. Mwabona? Luna . . .

32 Paulusi nako yeñwi naize, “Mube baba ni likanyisa sina ha Ni likanyisa Kreste.” Mwa manzwi amañwi, “Sina fela mo Ni latelelela Kreste, mu ni latelelele nina.”

33 Mi cwale, fa kalulo ye sikuluho ye, yona—yona kalulo ya bupilo ye ko lutaha kaufela luna. Mi linako zeñata mu ni utwile ha ni huwa kuli “ricky, ricketta,” ni lika zeñwi. Ki, ki lusika lwateni. Ki lusika lwateni lo lupilaku lona. Faa ha ki batu kutokwa.

34 Batu bani ki batu ba ba swana sina luna. Banana bani kwande kafani ni milamu ye cisa yani, inge bamata mata kafa ni kafa mwa mikwakwa, ni kueza lika mo ba liezeza, kuzuba makwai ni kunwa macwala, ni basizana inge apala ka butanya, ni lika zeñwi, bani ki basizana ni bashimani sina mo luinezi. Mwabona? Ki batu. Ba lata. Ba ca. Ba nwa. Ba lobala. Ba buyela. Bana ni kushwa. Ki batu ba baswana ni luna. Kono niteni babile ni . . .

35 Ba tasselizwe ka moya o maswe. Ha ba li zibi. Ha ki kuli ki—ki sicaba, kono kakuli, fokuñwi, mueteleli yomuñwi yo ba bile ba latelela ki yena ya ba isize mwa nzila ye fosahalile.

36 Cwale, mina basizana ni bashimani mwa ziba hande kufita zeo. Mwa ziba. Mu lutilwe zende kufita zeo. Muna ni bashemi babande, lituto zende kufita kueza lika ze cwalo. Mwa ziba hande.

37 Kono bona ha bana, mwabona, kakuli likeleke ze baya ku zona ki likeleke za kacenu mwa bunca, za bunca fela. Mi bona—bona ba ipilela fela ka lizazi lateni, ni kuzibahala hahulu. Mi, oh, mawi! Ki . . . Buiswalo buba nto ya butokwa kubona. Mwabona? Kacwalo bona, sikamañi . . . Sina hane Ni bulezi nako yeñwi, mwa papali yene Ni boni kwanu, ha ki kale hahulu, ya Sodoma ni Gomora, kuli musali ya kenwi ki mioya ye lunya yoo naize ku—ku Lota, “Se mubiza butanya, Ni li biza butokwa.”

38 Jesu naize, “Sina mo ne kuinezi mwa mazazi a Nuwe, kona mo kuka bela ni kwa kutaha kwa Mwana mutu.” Kacwalo lu kutezi fa sibaka sani hape.

39 Halu talimeni ku mutu yo, ka mizuzu yelikani, ye lu balile ka za hae. Hakuna ku kakanya kuli mwana yo na pepezwi mwa lapa lelinde, sina mina banana mo muinezi. Na hulizizwe ki bashemi babande. Kakuli, ne li pakile cwalo, fani Jesu ha tisa milao ya Mulimu ku yena. A bulela kuli, “Ni mamezi lika zeo kuzwa kwa bwanana bwaka.” Ne ku bonahalile kuli nana ni—nana ni—nana ni kuhuliswa hande. Ne si ya colomokile fela. Mi mwa ziba, na—na hulizizwe inza ziba ze lukile, banana sina mina kaufela mo muinezi. Mwendi na hulezi mwatasa bondate ni boma baba saba

Mulimu, kwa—kwa—kwa ku mu luta hande, ha na sali mwanana. Kihande, seo ki sesinde.

⁴⁰ Mwendu, kakuba mbututu yomunyinyani, bomahe nebana ni mihupulo yemituna kuli abe muuna yomutuna zazi leliñwi. Bo ndatahe neli ba masheleñi luli, yana konile ku muisa kwa sikolo ni—ni ku mufa tuto yana kona kaufela . . . na tahile ni tuto yende ni kuba sika mwa lifasi. Mi ni ka busepahali bwa bomahe ni bo ndatahe, kukenya sikolo mwana yo, mi mwendi ni kutaha kwa nako ya kufeza sikolo sa hae sina mina cwana, mwabona, nako ya na fitile mwa sikolo ni aba ni tuto ya hae. Hakuna kukakanya kuli nali tabo ya—ya bomahe ni bupilo bwa bo ndatahe. Hakuna kukakanya, mwa mazazi ani, nana ni lipongolo ze ketalizoho, sina mo mubezi ni limota mina, ni ndate yomunde ni mahe sina mina kaufela mo mube ni bona, baba tokomelo kuli, mube ni liapalo zende, ni—ni mota, ni kukona . . . ni kuikola bupilo, inge fela lika ze muna ni zona kacenu.

⁴¹ Mi bo ndatahe ni bo mahe ne . . . ba lapela nako ka kaufela kuli—kuli mwana bona asike aba fela sina batu babañwi, kono neli kuli abe muuna ya shutani ya ipitezi. Bashemi kaufela ba lata cwalo. Kana mu utwile Jesu ha swanisisa kwa mulao wani, “Kuteka ndatahe ni maho,” mi akuza? Mwabona? Mi wo kona mulelo wa mushemi kaufela, kuli baeze bana ba bona zende, ze ba kona, kuba kenya likolo, kubafa lika mwendi ze ne ba si ka fumana bona. Cwalo kona mo Ni ikutwela ka bana baka.

⁴² Ni sepa, linako zeñwi, ku za kuya kwa likolo, cwale; Ni nahana, kuluma Becky ni Sarah ni Joseph mwa likolo ze pahami ze ni lika zeñwi, kokuna ni zwelopili ye kaufela? Ni sepa kuli Ni ka baisa kwa lilundu, ni—ni kuba huliseza teñi hamoho ni . . . inge ma Indian mo ba pilela.

⁴³ Kono ki se fa mo siinezi. Sesili ku mwana kona se si ka bonahala. Hakuna taba kamba uinzi kai, za nani, kona ze ka iponahaza. Haiba kuna ni bumaswe mwateni, bu ka iponahaza mwa sikwata sa ma Indian. Haiba kuna ni bunde mwahali mwani, bu ka taha mwa sikwata sifi kaufela. Mwabona? Ki ze li ku mwana, ki mwana mwa pangezwi, se sili mwahali ku wena. Mi soli sona cwale kona soli sona bupilo bwa hao kaufela. U inzi fa sibaka sa kucinca.

⁴⁴ Kana mwa ziba? Eite sikisi pesenti ya lingambolo ku Jesu liezahalanga lilimo ze twenti wani za kupepwa li si ka kwana kale. Za iponahazanga. Lipatisiso za bonisa cwalo. Eite sikisi pesenti ya baba tahanga ku Kreste, ba tahanga ba si ka kwanisa kale lilimo ze twenti wani. Wena, kasumulaho wa kufitelela siyemo seo, uba ya bupilwe hahulu kulisili kamba kuba mwa mikwa ya hao fela. Oh, ku bunolo, luli. Ba tahanga, lilimo ze sebente, ze eite, za kupepwa, kono ki ka siwela luli. Mwabona?

⁴⁵ U ipanga ili wena hausali mwanana. U toma milelo ya hao kuya ka mo batela, ni so lika kufumana mwa bupilo. U nahane

fateni. Mi haunzo nahana, eeni sha, muhupulo ya hao, li beiwa mwa muhupulo wa hao ka sika se si sa zibwi sesi—sesi busa munahano wa hao. Mi kipeto haliba mwa muhupule wa hao, kipeto wa li bulela, kuli uka li eza. Mi kipeto milelo ya hao yakuisa ku zona.

⁴⁶ Kacwalo, boma ni bondate, neba libelela mucaha yo kuba . . . milelo ya hae kuba yemituna; ni masheleñi amañata kuli aipete. Mi kipeto, hakuna kukakanya, ba lapela kuli yo—yo mucaha akone—akone kuba ni kolo ya litohonolo. Mwa bona, neba—neba ezize kaufela zene bakona kueza. Wakona kuba ni limbongolo zende, mi—mi mwendi na zibahala hahulu mwahala basali.

⁴⁷ Mi ki sikamañi sa na ka bata mutu, nihane ikaba ku musali, ka kushutanisa, mwabona, kakuli lu ambola fa bupilo bwa butu, mioyo, ya bababeli bo muuna ni musali.

⁴⁸ Mi he, kasamulaho wa nako ye kaufela yana bile ni yona mushimaini yo, mwabona, aba fela wa “mutakafululele fa mikwakwa,” mo lu li bizeza, fa sibaka fa na sa tokwi kubilaela sika hahulu. Bashemi ba hae nebana ni masheleñi. Nana ni . . . Nali luli ya . . . Aba mubusisi. Bibe itamahanya ku zona mo, wa ba . . . kuli nali mufumi, wa mubusisi wa mwanana. Mi lubona kuli . . . Fa silimo sa bunca, mwendi mwa lilimo za mwatasa mashumi amabeli cwalo, hana sa zo zwa fela kwa sikolo, ha na sa felize fela kupasa, mwendi, lisunda nyana nako yani isika fita kale, kamba nto yeñwi, a to ba . . . Ki mubusisi, mi nana ni kaufela ze ne ilakaza pilu.

⁴⁹ Mi mushimani wateni ne si inge mu ricky wa kacenu. Ki mutangana yomunde. Na lumela, fani Luka hana ñozi ka yena, kamba Mareka, Ni lumela kuli ki yena, Jesu amu talimela mi alula moya, kakuli Na mu latile. Mwabona? Kuna ni sesiñwi ka mutangana yo. Nekuna ni butu sakata ku yena mutangana yoo. Ki kai kwa na zwelela? Neli kwa lubasi lolunde lone lu mu lutile milao ya Mulimu, mi ba eza katata kuli aimamele. Mi aibuluka, kuzwa kwa bunca bwa hae mane kuhula cwalo.

⁵⁰ Mi mushimani yani nanani mulelo wa bupilo; na bata Bupilo Bobusafeli. Mi ali, “Muluti Yomunde, Ni ka eza sikamañi kuli ni fumana Bupilo Bobusafeli?”

⁵¹ Mwabona, ku ze munani kaufela mwa lifaasi, kono niteni moyo oli mwahali uka mi bulelela kuli kuna ni se mu sa tokwile, se mu sina. Ka bufumu fela . . . Kamba, hailukeli kubanga bufumu fela kamita. Yakona kuba ka, kuzibahala hahulu, musizana yomuñwi yomunde, yana ni bunde bo akona kunahana ka bona. Mwendi ki ya zibahala hahulu mwa sikolo. Mwendi mushimani ukona kunga musizana kaufela yo alata. U ikutwa kuli u silelelizwe. Yeo ha ki silelezo. Zeo lika yonga mane inge fela palisa mwa simu. Mwabona? Li ka ya. Haana kuliyeha. Ki kusikuluha nyana fela kwa lizazi, kipeto zeo za iconga, kona kuli una ni moyo olukela kupila Kuyakuile.

52 Mi mutangana yo hakulata nana ni butu sakata, kakuli na itisize ili yena ku Mulena Jesu, ka kuziba kuli na kubami ka liñwele la hae. Ki hali, “Muluti Yomunde, ki sikamañi se Ni ka eza fa kuba ni Bupilo Bobusafeli?”

53 Mi ali, “Kiñi ha u Ni biza yomunde,” ali, “kanti uziba kuli kuna nifela Alimumu yomunde, mi yo ki Mulimu?” Mwabona? Ki sikamañi sa na bonisize mutangana ku se? Kuli Nali yena Mulimu. Mwabona? Mi ali, “Wena uziba milao. I mamele.”

Ali, kacwalo ali, “Milao ifi, Muluti?”

54 Mi ali, “Milao ya kuli ‘kuteka ndataho ni maho,’ ni yeñwi cwalo.”

55 Ki hali, “Yeo Ni imamezi, kuzwa kwa bwanana bwaka mane ni kuhula ni yona. Mwabona, zeo kwateni Ni li kondisize.”

56 Mi ali, “Kono niteñi u sa tokwile nto iliñwi. Zamaya, u lekise zo luwile, mi u li abele kwa babotana, kipeto utahe u Ni latelele.”

57 Ha ki kolo ni yeo! Yani neilukela kuba Pitrosi, Jakobo, kamba Joani, alimuñwi wa bona. Mwabona, mutangana yani na lutilwe ni kuhuliswa hande, na tisizwe ku Krete, kuli aitusise yena mwa buino bufi kaufela bone buli ku yena, kuli aitusise, awa luli naitutile, nali mwanana, na fumile, na zibahala, kwa na lukela kuisa Evangelii, kono niteni a I hana. Haki—haki nto ni yeo yeneli ku mushimani yani! Mwabona?

58 “Ni Latelele.” Cwale, mwabona, na lukela kulatelela mutu. Cwale, na lukela kulatelela kabubo ka sicaba bana fumaneha ni bona, kabubo ka musizana yomuñwi yomunyinyani, kabubo ka sikwata sa bashimani ba na fumaneha ni bona, balikani ba hae kwa sikolo, kamba kulatelela Jesu Krete. Mwa bunde bwa hae kaufela, kono niteñi na ziba kuli na sina Bupilo Bobusafeli.

Bana, seo kona se mu lukela kunahananga fateni. Mwabona?

59 Cwale mutalimele mushimani yo busihu boo, sa na lukela kuba sona, ni seo ali sona, seo ali sona busihu boo. Uteni kokuñwi. Na li muna. Uteni kokuñwi. Ulibelega Katulo. Ulibelega kotalimana ni Katulo ka Lizazi lani, ka kuhana yona kolo yeswana ye filwe ku mina bana, mane ku bonahala kuba ka buino bo buswana; bana babande, butu bobunde sakata, bondate babande ni boma, se munani, mane hamu lukeli kubeleka konji haiba mu lata fela cwalo. Mwabona?

60 Kono kuna ni se si zamaelela ni seo. Kuna ni se si zamaelela ni sona. Linzwi lani, busihu boo, ha li shwi. Isali kangisano ku mucaha ufi kaufela, kalibe ufi kaufela la kuli, “Ni Latelele.” Mwabona?

61 Manzwi haa shwi. Nako kaufela ha ubulela sika, hupula fela, kamba ki mwa mota ya hao kwa mukunda, kamba ki kwa katala, kamba ki mwa nzila kokuñwi kwa makozwana ni nyazi wa hao wa mushimani kamba wa musizana, ibe kai kamba kai, haa shwi. Ana—ana ni kupila Kuyakuile.

62 Hane Ni boni musizana yani yene Ni... busihu bobuñwi mwa pono, musizana yomunyinyani yomunde, muika wa Hollywood, mi Na mubona inge ashwa, inza ikataza, kuli afumane tuso. Na shwile bakeñisa butuku bwa pilu, Kalibe Monroe. Mi cwale zeo seli lilimo zepeli kwa mulaho, mi Na mu bona inza shwa. Mi mazazi amabeli kasamulaho a shwa.

63 Mi, busihu bobuñwi, Na utwa linzwi la musizana yani. Cwani? Banana ne ba sweli kuni bulelela bali, “Tate, muyanga kwa Nuka yani Yesina Kukuta Mwa Mulaho, ka nako kaufela.” Bali, “Bana ni papali ku sani, busihu bo.” Ba ni bulelela kuli busihu bobuñwi ikaba ka, biki kamba zepeli ka kuitahanela. Na hupula kuli, “Kihande, Ni bata kubona zani, kakuli Ni bile kwa nuka kwani, linako zepeli kamba zetalu; mwendi ka linako ze ketalizoho, Na sepa.” Kihande, Ne—Ne ni bata kuli bona.

64 Mi Kalibe Marilyn Monroe na bapalile fateni. Kihande, yani neli yena musizana yene Ni boni mwa pono. Mi ki yani nali fani, mwa siswaniso, mi ni likezo, yona papali yana ezize kaza *Nuka Yesina Kukuta Mwa Mulaho*, ha na kopilwe siswaniso sani, mwendi ki myaha ye lishumi ni ye ketalizoho kwa mulaho. Neli siswaniso sa kale, mwendi lilimo ze mashumi amabeli kwa mulaho. Mi sa shwile lilimo zepeli. Mi ki yani fani hape, wa pila, kezo kaufela ni linzwi kaufela. Mwabona? Li sa swasehile mwa tepu ya magesi kufitela ha sa pila hape.

65 Ha ki seo fela, kono kaufela ze lu bulela za pila. Linzwi kaufela le lu bulela halikoni kushwa. Mwahala sibaka se kuna ni manzwi cwale, apanga batu. Mazimumwangala aka li swanisa. Mwakona kubulela cwale ona fa, mi ba mi utwa hala lifasi kaufela, ka ona muzuzu nyana wani. Mane nahaiba mu si ka a utwa kale mwa sibaka se, aya kupotoloha lifasi, ka mihala wa manzwi.

66 Mi ni siiponi sesituna sa Mulimu sa swanisa zeo. Mi muzamao kaufela ni kezo ifi kaufela ye mueza, muka yo li katana kwa Katulo. Mwabona? Kacwalo, mutangana yomunyinyani, ki nto yende kuyema, mu nahane ka litaba ze, mwabona, kakuli muka kopana ni zona hape. Mwabona?

67 Halu lateleleni mutangana yo, kolo tuna yana nani, mi muipeye mwa sibaka sa hae. Mi musizana, ka kuswana fela sina mo kuinezi ku Becky ni Marilyn, inge fela kuli inge muyemi mwa sibaka sa hae, mi mwakona kuutwa Linzwi lani le li sa pila ni nako ye.

68 Li sa pila. Li sa zamaya. Sayansi ibulela kuli, “Lilimo ze mashumi amabeli kuzwa cwale, ba ka swala Linzwi la Hae luli la Na bulezi, lilimo ze likiti zepeli kwa mulaho.” Li sa pila. Kuswana sina licwe le li wela mwa liwate, mandina ateni haana kutuhela. Li ya kwa likamba, limaili ze likiti kiti, ni kukuta hape.

69 Linzwi ha li bulezwi mwa moya cwalo, ha li shwi. Hakuna se mukona ku yo bulela kwa Katulo. Liteni ki lani. Ku kaba Linzwi la Jesu Kreste leli biza mutangana yani kuli, “Ni Latelele,” mi yena inge a ikela kusili, fa siiponi, ki kutomolisa pilu, kakuli nana ni liluwo lelituna. Mwabona? Mane halukoni nihaiba kuba. . . Kamita ha ikoni kuba masheleñi. Ikona kuba lika zeñwi. Mwabona? Sika kaufela se lu lata hahulu kufita pizo yani, mwabona, siba inge masheleñi ku luna. Siba sika se si lu silafaza.

70 Cwale halu mu lateleleni fa nako nyana. Ki sikamañi se si ezahala ha sikuluhela kusili? Na si ka teezeza kwa Linzwi la Kreste lani. Na ile ni balikani ba hae.

71 Mane, mina bana, mina kaufela mu bana babande, mi muna ni kuba ni balikani, kono u mamele mufuta wa mulikani yo nani. Haiba nji mulikani yo ulatelela Kreste, zamaya ni mulikani yoo. U latelele Kreste, ni wena. Kono haiba ha ku cwalo, usike wa eza.

72 Halu mu talimeñi. Lwa fumana cwana, yena mwendi na bulukile balikani ba hae. Na bile mubusisi yomotuna. Nali mubusisi ka nako yani. Kasamulaho nyana, lu mufumana kuli sa fumile maswe kufitela a—a—a ba ni kuyaha mashete amañwi kuli abeye mwateni kutulo ya hae. Mi cwale aipulelisa, kasamulaho a sa supezi, mi litakazo za mutangana yomunyinyani mwa bupilo ni lika ze ezahalile, kaufela za na ezize, mwendi, na itabisa.

73 Mi cwale muuna muhulu kamba musali muhulu, sina na, musala ka, bo maa mina ni bo ndata mina, hakuna sika ni se sikana se bakona kunahana. Ha bakoni, ha ba lati kuzwela kwande ni—ni kumata kafa ni kafa mwa mikwakwa, mwa ziba, sina—sina banana mo ba ezezanga, ni basali ba sanana. Mabato, ni ya kaba musala hao ni muuna hao, kamba, mwabona, Habana zeo mwa minahano ya bona. Bona, bana ni bana, ba batisisa. Bao ikona kuna mina kaufela, kamuso, haiba kuna ni kuba kamuso. Mwabona?

74 Mi mubone mucaha yo, he, mwendi ki. . . Mane mwendi na si ka nyala. Mi, konohe, nali mubusisi yomotuna. Mi ki haina fa. . .

75 Sina mo kuinezi mwa Jerusalema, niteni, kacenu, ba cela fahalimwa ndu, ka nako ya musihali ye, ha ku bata, ka nako ya manzibwana.

 Mi lu fumana mutu yomuñwi ya swanisizwe ku yena: mukunyandela.

76 Mi muuna yani, kuzwa kwa kuhuliswa kwa—kwa kukuteka bo muyaha mabapa, ni kueza ku babañwi sina mo ba kona kuezeza ku mina. Mwabona, ka kuhana pizo yani ya Kreste, ka kufeleleza. . . Mo ku bonahalela, neli mushimani ya na huliselizwe mwa lapa le li cwalo, zeo ne li sa lukeli kuzwa ku yena, kono ne li mu siile. Neli mu siile.

77 Mi fani nekuna ni muuna fa munyako, wa libizo la Lazaro, ku mu kupa lico, mi amu tima. Na ka icelanga fela buungululwa bwa na fiyelanga, isiñi bwa na fiyelelanga mukunyandela yani, kono bwana fiyelela kwa linja. Mi na tezi litombo. Kono muuna yani nali ya zibahala hahulu mwa silalanda, mi, nasina maikuto ni amakana. Na bile ni singonyi, kakuli na hanile mpo yani ya Kreste.

78 Mi mwendi manzibwana amañwi, nako ye, inza sweli kuimbotisa ma waine a hae amande, ni basali babande, ba bifaha, inge bali ni yena, ni lika ze cwalo, ni zeo kaufela pilu ya hae ze ne ika lakaza, ni ku ishalaula. Muikunyandela inge ainzi fa munyako.

79 Mi lizazi lelitatama lisika pazula kale, kakusasana o tatama, nali mwa lihele, inza huwa kuli Lazaro ato lotisa mezi fa lulimi lwa hae. Cinceho ya sibaka.

80 Mi mu lemuhe, fani ha naize, “Ndate Abrahamama,” cwale, na sa hupula kuli Abrahamama neli ndatahe Majuda. Mi ali, “Ndate Abrahamama, luma mukunyandela yo Lazaro kwanu ni tumezi nyana kwa minwana ya hae, kuli ato lotisa fa milomo ya ka. Malimi a acisa luli.”

81 Mi ki hali . . . mi Abrahamama ali, “Ki, Ha ni koni kueza cwalo,” ka manzwi amañata hahulu. “Mi kwande a se kaufela, wa bona, wena no nani nako ya hao mwa bupilo.”

82 Ki lili fa na bezi ni yona? Ki fani Jesu fa na bulelezi kuli, “Ni Latelele.” Kono na li hanile. Aya nzila ya na bata kupanga masheleñi. Mi zeo kaufela li iketile, hakuna se si fosahalile ka za kupanga masheleñi, kono latelela Jesu inge usweli kupanga mali cwalo. Mwabona? Mi yena aya ka nzila isili, ni nyangela.

83 Mi mufumana kuli, na bulezi kuli, mi Abrahamama ali, “Mi kwanda zeo kaufela, kuna ni mukoti o katilwe mwahala wena ni yena, wo hakuna mutu yakile a u tula fateni, mi hakuna hakuna ya ka u tula niteñi. Babali kafoo habakoni kusilela kwanu, mi babali kwanu habakoni kusilela kafoo. U katilwe. Hakuna mutu yakile ausila kamba ya ka usila fateni.”

84 Cwalehe mu muutwe. U bata kuba mubuleli wa linzwi kwani. Pizo ya na mu file Jesu, ya—ya ku Mu latelela, yana bile ni yona, ni kuba mutu ya wina mioya, kakuba mucaha, a kutela hape hape. A hupula, kuli nana ni banyani ba hae ba ketalizoho, bene bali fa lifasi, mi na sa ba lati kutaha mwa sibaka sani.

85 Ki hali, “Luma Lazaro, mi, kwateni a yo bulelela banyani baka kuli basike ba taha neku le.” Ka manzwi amañwi, “Ba amuhele pizo yakuli, ‘Ni Latelele.’” Mwabona?

Kono abulela kuli, “Habana, Habana ku li amuhela.”

86 Mi ali, “Eehe, haiba alimuñwi a zuha kwa bafu, inge Lazaro, aye a yo ba bulelela.”

87 Mwa bona, si bonisa kuli, kasamulaho lumano shwa, u sa na ni lizwalo. Na hupuzi. Abrahama ali, “Mwana ka, hupula, mwa mazazi a hao.” Mwabona? U sa kona kuhupula. Ha u felelwi ki kupuzo. Wa hupula.

88 Mi likupuzo za na bile ni zona muuna yani, kono inge asali kwa sibaka sona sani, ahupula kolo yana nani ya kuutwa Jesu haali, “Ni Latelele.” Kono a latelela mutu ya maswe, sikwata se si maswe. Akena mwa sikwata se si maswe, mi aya kwa sibaka se si maswe, ayo felela mwa Kuyakuile ko kumaswe; a yo yonga kufelelela ka Lizazi lani, kuzwa ku Mulimu kuya kamita.

89 Jesu hape na bulezi linzwi le lisabisa luli, “Niha ku ka zuha alimuñwi kwa bafu mi akute, ni cwalo habana ku kolwa. Kakuli, bana ni mulao wa Mushe, mi haiba habana ku mu utwa, kona kuli habana kuutwa ni ha ku ka zuba yomuñwi kwa bafu. Habana ku mu kolwa.”

90 Kiñi? Kiñi? Kana mulao no bulezi nto yecwalo? Eeni. “Mueze babañwi mo mu batela kuli ba mi eze ni bona.” Mi na pila mwatasa mulao. Kono atuhelela mukunyandela inge a shwela fa munyako. Mwabona? Na sa—na sa pilile mwatasa milao ya Mulimu, kono niteni a palelwa kubona Bupilo Bobusafeli bobutuna bwani.

91 Bana, mina, mañi ni mañi, mu bonahala inge banake. Wena, mañi ni mañi, mu bonahala inge banake ba bashimani ni basizana. Ka nzila yeñwi, mu cwalo, mwabona, kubulela ka moya. Yeo ki niti. Mulena Mulimu u—u beile mioyo ya mina mwa pabalelo yaka, kakuli mutahanga, ku to ni teezeza. Mwa ni lumela. Mwabona? Mi ka manzwi amañwi, mu banake ba bashimani ni ba basizana. Yeo ki niti.

92 Kamita muhupulange, kubuluka litaelo za Mulimu kona nto ya butokwa. Ku hulela mwa lapa lelinde ki buswa bo bu zwa ku Mulimu. Mi kuba bana babande ni butu sakata bo munani, kihande. Ki bunde, kuba ni tuto ya sikolo. Ki bunde mane niheba kupila mwa naha ye lukuluhile. Lu na ni lika zeñata za kuitumela ka zona.

93 Kono kuna ni nto iliñwi ye mu sa luwi. Muna ni ku I amuhela. Nto yeo ki Bupilo Bobusafeli. Mi mu ka eza seo ka ku latelela Jesu, ka kutwisiso ya kupepwa sinca. Musike mwa keshebisa seo.

94 Likande nyana le Ni kile na utwa nako yeñwi, la muuna yanali, oh, neli mubotana. Mi na—na bata kamita ku...Ki likande nyana leli sabisa, cwalo. Li bile ni na kamita, niteni. Mi zazi leliñwi a nanula palisa. Mi palisa neli ya mabibo, mi palisa ya mu alaba, mi yali, “Ubile mubotana mwa bupilo bwa hao kaufela.” Mi yali, “Cwale kupa kaufela so bata, mi si ka fiwa ku wena.”

95 Ki hali, “Lilundu lani nibata li kwaluhe, mi Ni ye teñi ni yo nopa gauda mwa lilundu lani.”

96 “Kihande,” se ili, “uka ni lwalanga kaufela ko ukaya. Mwabona? U ka ni lwala. Kacwalo, kaufela ko Ni inzi, kipeto wakona ku ni kupa so bata.”

97 Aya kwa lilundu, mi lilundu la kwaluha, mi akena mwahali. Mashelufu na tezi fela gauda ni ma daimondi, likande nyana le li sabisa leo halunze liya cwalo. Alula palisa fafasi fa—fafasi fa tafule, kamba, fa licwe. Mi akitima ku yo pamula licwe lelinde lelituna, mi ki hali, “Ni lukela ku yo bonisa se kwa balikani baka. Mi cwale se Nili muua ya fumile. Ni na ni lika kaufela cwale. Ni lukela ku yo bonisa se.”

98 Mi kacwalo palisa ya bulela kuli, “Kono,” yail, “u libezi nto yabutokwa.”

99 Mi ki ha mata ku yo inanula, ali, “Kihande, mwendi Nika—Nika lwala siemba sa gauda. Ni ka lwala siemba sa silivera.” Mi kacwalo ali, “Nika—Nika akufela fande, ku yo bulelela batu mo Ni fumezi, ni se Ni nani kaufela.”

100 Mi ayo fita fa munyako, mi palisa ya bulela yali, “Kono ulibezi nto ya butokwa.”

101 Kacwalo amatela mwahali hape. Mi ali, “Mwahali mo lu fumana libyana za mifuta kaufela.” Kacwalo, anopa licwe. Mi ali, “Nika ya, ni lwale licwe le ni yo li bonisa kwa batu kuli ki macwe a cwani ali mwa lilundu mo, kuli Ni kone kutahanga ku lona.” Mwabona?

102 Mi akala kuzwela kwande ali asutelele kwa sikwalo, palisa hape yali, cwale ka . . . nako ya mafelelezo, “U libezi nto ya butokwa.”

“Oh,” ki hali, “oh, kuza fela.”

103 Mwabona, na sa lati ku utwa hape kuli, “U libezi nto ya butokwa,” mi amatela kwa sikwalo. Mi ha yo fita kwateni, sikwalo sa ikwala kwa mulaho wa hae, palisa ya siyala mwahali. Nto ya butokwa neli palisa. Mwabona? Nto ya butokwa neli palisa.

104 Lilimo nyana kwa mulaho, kakuba mwanana, sina mina kaufela mo muinezi, mo, nekuna ni sibaka sa kufuliseza likomu kwanu, fahalimwa Phoenix. Ne ni sweli kubala kalulo, ya butokwa, mwa mutende ka za mutu yana bata musebezi. Mi, nekusina mikwakwa kwanu ka linako zani, neli fela linzila nyana za lishabati. Ba sa ezanga lika zetuna za kubata misebezi kwanu, mwa ziba.

105 Mi mutu yana bata musebezi yani ha taha, mi afumana masheleñi amañata, mi afumana gauda yeñata. Mi fa mukwakwa o kwanu, aina mwa kandu ka mabala ka na fumani. Mi nana nja yana zamaya ni yona, mi, haili—haili nja, ne itamelezwi fande. Mi busihu bwani, nekuna ni sikebenga se ne si mu latelela, kuli amu amuhe gauda ye. Na ingile kuzwa mwa mikoti ya ma Spanish, mi nasweli kutaha ni yona. Mi nja ya kala kuhuhula.

106 Mi mutu yani nasa lati kukatazwa ki nja yani. Mi ali, “Kuza wena.” Mi ali, “Kamuso, Ni ka isa se, kwa—kwa tolopo.” Mi Ni ka . . . Tuto ya likande neli ye. “Mi Ni ka yo li beya fa sikala, mi Ni kaba muuna ya fumile. Mi Ni ka leka limota zetuna. Mi Ni kaba ni mifuta ya basali kaufela ni mikiti yemituna. Mi Ni kaba muuna ya fumile, kakuli Ni winile kale teko. Nina ni gauda fa, yeñata luli.” Mi ali, “Nika . . .”

107 Mi hana bata ku yo lobala, nja yazwelapili ku huhula, kakuli nja ne iboni sikebenga inge sitaha, inge si mu naanalela, kulibelega fela ku ndatetuna yani a lobale.

108 Ki ha yema hape, mi ahuya kuhalifela nja hape, ali, “Kuza wena.” Mi nja ya batu ya hona ni kulika kulemusa muña yona za kozi yene u tahela—tahela. Mi cwale hai . . .

109 Ka nako yetatama, nja haikala kuhuhula, ndatetuna nana ni tobolo. Na sa lati ku katazwa, kacwalo a yema fela ni ku kunupa nja. Mi ndatetuna a bulaiwa ona busihu bwani, ka sikebenga. Litolo za hae za bucabela kaufela za mu fela. Kiñi? Na kuzisize linzwi lene li mu lemusa.

110 Hakuna mutu yakona kueza sika, mina banana, na sa lati kueza se si fosahalile, ka samulaho wa kuhuliswa mo mu hulezi, konji hauka utwa sika se si ku bulelela za ku sa eza. Cwale, musike mwa kuzisa linzwi le li mi lemusa lani.

111 Mi kamita muhupulange, ku amuhela Linzwi lani lene liize, “Ni Latelele,” mi muka hula hande. Ni lumela kuli muka ba cwalo. Nina ni sepo ku mina. Kono fela kamita muhupulange Jesu yani, Linzwi lani, wa pila mwa lifasi busihu boo.

112 Ka kuswana fela, sina muhuwo ufi kaufela ni linzwi kaufela le lu bulezi li sa pila, foo linzwi lani haliya kwande fa mandinda a moya. Mi . . . Mwabona, muna ni mihala kwanu ye zamaisa manzwi ao kusili. Ki mina mihala ye luma manzwi ao kwande. Kono si lwala libaka za mihala yeo kuli a utwahale.

113 Mi Jesu nali yena Muhala wa Linzwi la Mulimu, kakuli Nali yena—yena Mulimu wa zetalu ya bonahalile ku Mutu. Nali Mulimu ya kwanile hande ku Mutu.

114 Mi bulalu bwa Mulimu, bulalu bwa milelo ya Mulimu, kakuba Ndate, Mwana, ni Moya o Kenile, na bonahalile ku yena Muuna alimuñwi yani, Jesu Krete. Kacwalo, fani, Nali yena Linzwi.

115 Mi Nali yena Muhala o no bulezi kuli, “Ya utwa Manzwi a Ka, mi alumela ku Ya Ni lumile, una ni Bupilo Bobusafeli.” Mwabona? “Kaniti Ni li ku mina, ya utwa Manzwi a Ka, mi alumela ku Ya Ni lumile, una ni Bupilo Bobusafeli.” Cwale, Linzwi lani li utwahalile ku yena Muhala yani. Naize cwana, zazi leliñwi, “Kaniti Ni li ku mina, haiba mu bulelela lilundu leo kuli, ‘U shimbuluke,’ mi mu sa kakanyi mwa lipilu za mina,

kono mulumela kuli se mubulezi si ka ezahala, mwakona kuba ni ze mukupile.”

¹¹⁶ Cwale, haiba mwakona kuba fela sibaka sa mihala yekona kuswala maizwi Ani, ka sesi zamaisa mwahala mina, ka tumelo, li ka mi kenya mwa sibaka sa Mulimu, kuyaha kwa Kupepwa sinca, mi mu pepwe sinca. Mi kipeto kamita muhaba mwa swalisano cwalo, kwa kuutwa Linzwi lani le li mi lemusize nako ye kaufela. Lika ha li fosahalilr, liya li fosahala, Likana li mi lemusanga cwalo. Mi he, kufitga kuli zazi leliñwi uyoba inge mushimani wa mufumi yani ye lu ambola za hae; ube muuna yaswana sina muapositola Pitrosi, Paulusi, kamba mutu yomuñwi ya kile a wina mioyo ku Jesu Kreste. Mueze cwalo, bana.

Lwakona kulapela kana?

¹¹⁷ Mulena Jesu! Babanca, baana ni basali ba kamuso, haiba kuna ni kuba kamuso. Luna ni kuba luta, Mulena. Lwa utwa mutiyo wani, wa ku ba luta inge kuli kuna ni kuba kamuso. Haiba hakuna, konakuli kacenu kona lizazi.

¹¹⁸ Mi he, Ndate, lu ziba kuli hakuna ya lumelelwa fapila Hao. Hakuna mutu yakona kuitumba. Hakuna tuto ya sikolo, niha lika ze likaba zende mo liinezi, hakuna misebezi yeminde, hakuna libaka za bulapeli, hakuna lituto za minahano, hakuna sika se si kona kupaka Mulimu kwanda Moya o Kenile. Ki yena Sibelekiso, Mulimu Kasibili, mwa mufuta wa Bupilo Bobusafeli, yakona kutaha ku luna ka ku mañi ni mañi. Mi luitumezi hahulu ka ze.

¹¹⁹ Luli ne li bonahalile fani Pitrosi hana bulezi buipuleli bwa hae. Jesu ali ku yena, “Nama ni mali ha li si ka ku patululela se ku wena. Ha u si ka ituta zona mwa sikolo sa bukutazi. Ha u si ka ituta zona mwa sikolo.” Ki nto ya mutu anosi, ki sika sa kuli mutu ka yena anosi una ni ku amuhela. No ize, “Fa licwe le Ni ka yaha keleke ya Ka fateni, mi minyako ya lihele haina ku ikoma.” Lu itumezi ka sani, Mulena.

¹²⁰ Linzwi lani li saliteni busihu boo. Mi ku sa na ni libaka, libaka za likeleke, ko basweli ku luteeleza, libaka ko basweli kuamuhelala, za tumelo, babakona ku Li amuhela. Lu lapela kuli yomueñwi ni yomuñwi wa banana ba a amuhele Sani, Mulena, mwa lipilu za bona. Mi ba hupule kuli, ha ki ze ba eza fakuba babande, kono bona . . . Mulimu ha lu atuli ka ze lueza, kono ka se lu amuezi. Lu piliswa ka tumelo ya luna, mi ha ki ka misebezi ya luna. Kacwalo lwa lapela, Ndata luna yakwa Lihalimu, kuli ba swale pono cwale, mi ba bone ni ku utwa memo yetuna ya Kuyakuile yani, yeli “Taha, Ni latelele.”

¹²¹ Mi mañi ni mañi wa bona, Mulena, a fetuhe kuzwa kwa lika kaufela za lifasi, bupilo bo bushwa, bwa swalelele boo. Sina habali mo busihu bo, ni milili yabona ye mifubelu hande, mi

babañwi ba bona bana ni milili ye minsu, ni meeto a mansu, ni meeto a bu ndilu, mi ba inzi kutiya kwabona mo bakona kubela.

¹²² Mi sina muñoli yomutuna hana ñozi kuli, “Hupula Mubupi wa hao mwa mazazi a bunca bwa hao, kale mazazi a maswe asika fita. Ha ukali hausana nyakalalo ku zona.” Kuli, Mulena Jesu, Noize ku Pitrosi, “Ha no li mwanana, wa ya ko ne ubata kuya. Kono ha u so hulile, kuna ni ya ka kuisa ko sa lati kuya.” Ha ba hupule, “Cwale le kona lizazi. Ye ki yona nako.” Lumeleza cwalo, Ndate.

¹²³ Na banga kaufela bona, ku mwanake luli, mo busihu bo, ku mwana kaufela yaliteni mo. Ni ikutwa kuli U beile mwa mazoho aka, ku ba tokomelo. Na banga kaufela bona, kuzwa ku Satani ni kuzwa kwa lifu, kutaha kwa Bupilo ku Jesu Krete. Amen.

¹²⁴ Ami fuyole, banana. Luli ki hande kubulela manzwi nyana ku mina. Mi Ni ka kuta ni, Billy. Banana babande, na itumelaku mina. Muzwale Fred, Mulena ami fuyole. Mulena aku fuyole, kezeli.



TAHA, NI LATELELE LOZ63-0601
(Come, Follow Me)

Liñusa le ka Muzwale William Marrion Branham ne li kotalizwe lwa pili mwa Sikuwa la Pelekelo manzibwana, Mbuwana 1, 1963, ili mwa Mukopano wa mwa Ndu mwa Tucson, Arizona, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku ituiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org